

Related Searches



Full Size

Solar Electric

Metropolitan Art
Museum

مسرحية: عمر المصري



محمد خطاب

02-24-2013

الشخصيات :

ربيع / عمر المصري / شاب 1، 2، 3،
مني وسلمي و مجموعات

عمر ربيع : ياللي هناك ياللي هنا تعالى اسمعوا حكايتي أنا ،
أنا مواطن غلبان جار عليه الزمان ،
لا غني حن عليه
و لا حاكم نصفني ،
سموني محدود الدخل
اندهشت قاللي مالکش دخل
تاجروا بحالي ومحتالي
وكل ماييجي شهر 7 أحط ايدي علي خدي
لان الكبير بيزودني 10%
و الأسعار بتزيد 100%
أعيش ازاي و أعيش بايه
ماهر أهلي معلمونيش ألعب كورة
و لا أمثل في مسلسل تركي ولا حتي عبري
أنا شاب و الشعر شاب من أحوالنا
بكيت ناديت ما حد سمع ندا
و لا حتي عبرنا
أبويا سماني ربيع
شفت حر و شتا و خريف و اتحرمت من فصلي
(يدخل بائع البطاطا صبي صغير و الوجه مغبر . يصفر ربيع بفمه)
الولد عمر المصري جه
الله ريحة البطاطا تجنن
(يضع يديه في جيبه . يانسا)
ملاليم يا دوب تزوحي البيت
بلاش بطاطا

عمر المصري : بطاطا سخنة زي الشارع
بطاطة الثورة
دخانها يحي الامل
ويطرد دخان فئابل الغاز
قرب قرب
(يتوافد عدد من الشبان ، يشتري كل منهم)

بائع البطاطا : (لغريب) الووو يا باشا
ربيع : أنا

عمر المصري: انت هتقضيها بص .. مش هتاكل حتة
ربيع : (يخرج جيبه خاويا) حتي البطاطا عزت علي اللي زيي
عمر المصري: تعالى خد حتة ولا يهملك الفقراء لبعضهم
ربيع : (يأخذ قطعة يلتهمها) شكرا شكرا
عمر المصري: بالراحة كده تزور تموت بيقى معملناش حاجة
ربيع : أصلي علي لحم بطني من الصبح
عمر المصري: و مين سمعك .. نفسي في سندوتش فول

Related Searches



Full Size

Solar Electric

Metropolitan Art
Museum

ربيع : ما تشتري
عمر المصري مينفعش لازم كل اللي اكسبه أوديه لامي و أخواتي البنات
ربيع : انت عائل اسرتك
عمر المصري: انت هتصاحبي روح شوف اللي وراك وسبيني أشغل
ربيع : بس المظاهرات شدت مش خايف
عمر المصري خيلنا نشوف لينا مصلحة
سلمي : ميشو .. ميشو
مني : بتعملي ايه هناكلي من الولد ده
سلمي : وماله ده عليه بطاطا تجنن
مني : متهزريش .. انتي مش شايفة شكله
سلمي : ماهو لو انتي بتنزلي التحرير كثير كنتي عرفتي
مني : أعرف ايه
سلمي : هنا كلنا واحد .. أسرة كبيرة
بائع البطاطا : تحت أمرك يا ست تاكلي بطاطا
مني : لالا
سلمي : هات لنا اتنين
مني : لالا
سلمي : عنك ما كلتي .. أنا هاكلهم وحدي
عمر المصري: الأستاذة مش عاوزة مني ليه .. عشان فقير
مني : لا يا حبيبي
عمر المصري: أنا بصرف علي أسرة)مني تمد أيدها في جيبها (لا يا أستاذة
أنا أحب أكل من عرق جبيني
(يمر مجموعة من الشباب يهتفون)
الشباب : ثوار أحرار هنكمل المشوار
(يشترتوا البطاطا و يكملوا مسيرتهم)
ربيع : وادي طفل كبر قبل الألوان بيجري علي أسرة
ياكلها من عرق البطاطا
ولو سعرها غلي عليه
وللا شحت
هيموت من الجوع
ما هي بطاطا
كلنا بنختلف سياسة
بنتنق علي العدالة الاجتماعية
كلنا بنادي بحقوقنا
عيش ومش لاقيينه
حرية و لسه بعيدة
كرامة انسانية وهم
دخل الولد وسط المظاهرات و شوية ظهر بلطجية ، علي وشهم علامات)
فاتحين مطاوي وكازلك ومولتوف و شوم ، دخلوا بنظام الكل خاف)
ربيع : مين وتبع مين
عمر : منعرفش
ربيع : بس هما عارفين سكتهم
راحوا طوالي علي الداخلية يرموا مولتوف
لما أقنعهم يتراجعوا
(بلطجي) بلاش بلطجة مشكلتنا في مطالبنا
نوصلها لأولي الأمر
(البلطجية يضربوه)
بلطجي 1 : خاين
بلطجي 2 : عميل
ربيع : الرحمة
بلطجي 3 : اسحلوه
ربيع : لا و النبي جسمي مكسر بلاش

Related Searches



Full Size

Solar Electric

Metropolitan Art
Museum

بلطجي 1 : عشان متحطش مناخيرك في اللي مالکش فيه

ربيع : يا ناس الحقوني

عمر المصري : وحدوا الله ... سيويه

بلطجي : وانت تعرفه يا ميشو

عمر المصري : ده غلبان ومالوش في حاجة

بلطجي 1 : سيويه

بلطجي 2 : يللا ببنا نحرق قسم وللا مدرعة مش فاضيين للتافه ده

ربيع : أه يا جسمي يا انا

عمر المصري : ايه حشرك في اللي مالکش فيه

ربيع : و أنا ايش عرفنا إن هيجرا ليه اللي جرافي

عمر المصري : متحاولش تعمل بطل تاني

ربيع : بطل و أنا الفقر هاددي

بطل و الحوجة كاسرة نفسي

بطل و أنا يتيم لا له بيت يلم ولا دولة تحن

موف حكومة الله يا محسنين

عمر : الشارع اللي لمني بلمك

ربيع : هو أنت قاعد في الشارع علي طول

عمر : بيتنا العدد فيه كتير .. بقعد هنا ف الميدان

بس أنت كبير علي نومة الشارع

ربيع : أنا ليه بيت زي بيتك و بيت أي فقير

ضيق ومخنوق مفيهوش حاجة تبل الريق

عمر : بس شكلك أفندي

ربيع : أفندي حالم ببكرة

مرتبي يادوب يقضي وجبة في اليوم متغمسة بطين بلدي

هسالك سؤال .. انت سعيد

عمر : سعيد بالشقا نفسي أريح يا خال

أنا في الشارع ملطشة ولولا المسكنة و الألفة بيني و بين الأشباح

مكنتش أقدر أعيش

ربيع : دنيا بتيجي علي الغلبان

عمر : انت اول مرة تنزل الميدان

ربيع : طول عمري ماشي جنب الحيط

مقهور غلبان مالي صوت

عمر : فيه حد كده دلوقتي

ربيع : عمري ما كنت غير كده

أنا رضعت الخوف من صغري

لو شوفت اتنين تلاته علي ناصية شارع

بخاف

ولو حد ابتسم وللا عطس

بخاف

ولو حقي ضاع وفكرت اجيبه

بخاف

برضع الذل من صغري

لا بطالب بحق و لا الحق يعرفني

نفسى في بكرة جديد

اكون شخص جديد

عشان كده جيت أدور علي نفسي

وسط شباب التحرير

(يأتي صحفي و يقترب من عمر ويهمس في اذنه عمر

يبدو عليه الاندهاش و يأخذ منه مبلغ)

عمر المصري : بقول ايه ..

ربيع : قول

عمر : تحب تكسب مبلغ كبير

Related Searches



Full Size

Solar Electric

Metropolitan Art
Museum

ربيع : ياريت وحد يكره .. بس ازاى
 عمر : تشاركني علي عربية تاني .. بدل الوكسة اللي انت فيها
 ربيع : وهيه البطاطا بتكسب كثير
 عمر : الناس بتتعامل معاها علي انها كباب
 ربيع : بس ممعايش فلوس .. و بعدين انا مش عاطل انا موظف في المجمع
 عمر : طيب روح شغلك وسييني
 بنار الذل ... يا بطاطا
 بنار الفقر ... يا بطاطا
 بنار اللي اتحرم م الأم
 بنار قلوب متعبية غم
 يا حلاوتك يا بطاطا
 ربيع : الولد ده فنان .. رغم صغر سنة بس الدنيا سوته
 و بنار الفرن صيته ولد جميل أصيل
 رمز لجيل من الشقيانين ومش طايلين
 يا زمن غدار ظلل عيل الاطفال
 و احميمهم غدر الكبار .. و نور لهم طاقة
 يشوفوا منها بكرة أجمل و أحلي
 (صوت طلاقات رصاص ، حركة غير طبيعية ، الكل بيجري يمين وشمال)
 ربيع : يا ساتر
 (يترمي علي بحركات هستيرية)
 ربيع : مش انا .. مش أنا
 محدش يموتني .. علوز أعيش اللي معشتوش
 سيبوني أعيش اللي فاضل .. زي الناس
 أحلامي لسه مشوقتهاش .. سيبوني يمكن الاقي ضلها
 (يلتف حول ربيع مجموعة من الشباب ، ينظر ربيع . الكل يضحك)
 شاب 1 : عيل
 شاب 2 : جبان
 ربيع : علوز اعيش
 شاب 3 : ليه
 ربيع : أصلي معيشتش اللي فات .. وعندي أمل
 شاب 1 : الموت هنا هدف
 شاب 2 : بعد الامل ما انخطف
 شاب 3 : الموت مع الكرامة وللا الحياة بمذلة ومهانة
 شاب 1 : جبان
 شاب 2 : كسفتنا
 شاب 3 : وكستنا
 عمر : ابعد عن هنا و امشي بعيد عننا
 شاب 1 : خلص الكلام والدك كان صوت الوطن
 وسط الناس فقير منداس صابه العفن
 قتلنو كام روح وسطنا
 وبذلنا عملتوا ايه
 بعنوا اللي فاضل مننا
 ونصبتوا جوانا الكفن
 ربيع : متلوموش عليا
 ده طبعنا وده جيلنا
 عشنا نخاف من العسكري لبيجي المنام
 ولو أمنا قالت نام لاجيالك العسكري ننام
 و لو لمحنا رئيسنا في العمل مبتسم يبقي يوم الهنا
 ولو زعل نداري جوه جوه جلدنا
 ده عهدنا ودي عقيدتنا
 امشي جنب الحيط أحسن لتنداس
 عيش وجواك بركان تتحرق بيه

Related Searches



Full Size

Solar Electric

Metropolitan Art
Museum

أحسن ما يدمرك طوفان السلطة
 شاب 1 : ودي عيشة
 ربيع : عايش وجسمي كفني
 شاب 2 : حرر نفسك من الخوف
 شاب 3 : الثورة جات تحررنا واللي ماتوا عاشوا ولسطنا أحسن ما عاشوا قبلنا
 ربيع : يعني ايه ؟
 شاب 1 : قول للظلم لا
 ربيع : مقدرش
 الكل : قول لا
 ربيع : (يحاول) لسانني تقل باين بقيت أخرس
 شاب 2 : بلاش حجج فارغة .. قول لا
 ربيع : ل .. ل
 عمر : جبان ... طيب لالالالالا
 شاب 3 : مش مكسوف من نفسك
 ربيع : اللي انت شابفه كسوف اتعلمنا انه احترام للكبير و أدب
 لو قولنا لا نبقي خالفنا التقاليد
 أصل الحاكم في عرفنا أب و أخ أكبر
 منقدرش نخرج عن طوعه
 شاب 1 : ولو خان
 ربيع : أكيد مجبر
 شاب 2 : ولو قتل المعارضين
 ربيع : وليه يعارضوا
 شاب 2 : لو خالف القسم
 ربيع : اكيد لحكمه ميعرفهاش غيره
 شاب 3 : للاسف انت فعلا ميت .. لا احساس و لا دم ولا عقل
 عمر : يصرخ . لا
 (يجري خارج المسرح)
 يسقط الظلم و الاستبداد
 (صوت طلقات رصاص . ربيع ينكمش علي نفسه)
 ربيع : أنا خايف .. أنا مرعوب
 حد ينقذني
 حد يلحقني
 (يدخل الشباب حاملين عمر مصاب)
 ربيع : عمر .. عمر حبيبي
 (يأخذه بين أحضانه)
 عمر : سيبيني انت جبان
 ربيع : عمر مين اللي ضربك بالناس
 عمر : انا من الاحرار .. من الثوار
 بلغ أمي لو شفتها سلامي و قولها
 ربيع : اقولها ايه (عمر يموت . يصرخ باسم عمر)
 شاب 1 : الله يرحمك يا عمر .. كنت بتجري علي أيتام
 ذنب انك بتدور علي غد أحلي
 شاب 2 : استكثروا عليه مكان تحت الشمس
 ربيع : الموت لما خطف دور علي أنقي روح
 طفل أجمل ما خلق و سبحانه دي حكمته
 اسمك معلق في دنيتنا راجل و بطل مغوار
 جسمك ضعيف حاضن رصاص أندال
 ربيع : (يمسك عربية البطاطا وينادي)
 بنار الذل ... يا بطاطا
 بنار الفقر ... يا بطاطا
 بنار اللي اتحرم م الأم
 و جاله زمان بيستكثر عليه الهم

Related Searches



Full Size

Solar Electric

Metropolitan Art
Museum

رصاص قاصد
 رصاص ع الظلم ببساعد
 خطف عمره
 في عز الضهر بعباطه
 يا بلدي خلاص نشف ريقك
 وتاه الإبن في طريقك
 صبح عسلِك بطعم المر
 وشفنا القهر
 من قلب الصبي بيخر
 جسد واتدارى بالجرانين
 وبكره ف التراب يثلّم
 وإيه يعني يموت بيّاع
 ماطول عمر الوطن متباع
 وناس مركونه ع الهامش
 مافيش فيهم أمل عايش
 وسهم الغل مش طايش
 ينشّن ع البصر ويمر
 وبعد ما قومتني ليه ثاني
 تطاطي وينكسر ضهرك
 شاب 1 :
 بنار الفتة سووكي
 على الجنبيين
 شمال ويمين
 ربيع :
 وبيراهنوا على صيرك
 وطلبوا الأكالين بالاسم
 بياكلوا اللي اتشوى منك
 وسلخوا ثوبك الدايب
 على جلدك
 وعملوا ولیمه على عرضك
 وهذروا ع الهوا دمك
 بكل بروده وبساطه
 ونار التلج ... يا بطاطا

محمد خطاب

khatabaya2007@yahoo.comPowered by [Dimofinf cms](#) Version 3.0.0

Copyright© Dimensions Of Information Inc.

Copyright © 2014 alrakoba.net - All rights reserved